



Infuormaziuns

avrigl 2025

Stimats genituors

Nus Tils salüdain cordialmaing cuort avant Pasqua e'ns allegrain darcheu dals dis plü lungs davo l'inviern. Cun quista cuorta circulara lessna dar inavant alch infuormaziuns fingià cuntschaintas davart l'ultim temp da l'on da scoula ed eir davart il nouv on da scoula. Differents detagls daraja lura amo dūrant l'ultim quintal.

Chalender d'occurrenz

Il chalender d'occurrenz as chatta sūlla pagina d'internet. Causa müdamaints chi dà listess adūna darcheu, nu publicaina quel plü dūrant l'on e train attent da consultar la pagina d'internet. (www.scoula-scuol.ch/scuol/program-da-lon/). Il plan da termins vain adattà davoman chi sun cuntschaintas novas datas chi pertocan a tuot la scoula o a plüssas classas. Datas chi pertocan a singulas classas vegnan inavant comunicadas directamaing da las personas d'instrucziun da classa.

Novas personas d'instrucziun

I'l decuors da l'on da scoula sun gnūdas tschernūdas differentas novas personas d'instrucziun pella scoula da Scuol. I's tratta quia da las seguaintas personas: **Corsin Zini**, magister dal s-chalin ot, **Fabio Rebelo**, magister pel s-chalin primar, **Sabrina Staub**, persuna d'instrucziun pella scoulina e **Flurina Büsing**, pedagoga curativa pella scoulina e **Sara Fanchi**, Cumbinella.

Davart ulteriurs müdamaints (persunas d'instrucziun chi bandunan la scoula da Scuol, persunas d'instrucziun chi müdan la funcziun) sco eir la spartiziun da las classas, orientaina cur cha tuot es cuntschaint. La situaziun da chattar persunas d'instrucziun es dvantada ils ultims ons plü difficila e tuot las plazzas nun han pudü gnir occupadas precis co chi d'eira previs uriundamaing. Nus eschan però persvas da chattar bunas soluziuns internas e pudair dar cuntschaint dūrant l'ultim quintal, davo las vacanzas da mai, la spartiziun da las classas e'ls uraris da l'on chi vain.



Persuna d'assistenza pella maisa da mezdi

Davo duos ons in uffizi ha Andrea Röthlisberger decis da bandunar la scoula da Scuol. Ella ha accompagnà dūrant trais mezdis minch'eivna a nossas scholaras e scholars da 3. fin 9avla dūrant il gianter. Pel cumanzamaint da l'on da scoula tscherchaina perquai:

1 persuna d'assistenza per la maisa da mezdi (2 fin 4 dis l'eivna da las 11.45 - 13.30)

Per ulteriuras infuormaziuns sta a disposiziun: Mario Rauch, manader da scoula da Scuol
tel: 081 861 27 61 o e-mail: mario.rauch@miascoula.ch

Annunzchas as poja trametter per e-mail fin als 1. gün 2025 a: mario.rauch@miascoula.ch.

Annunzcha structuradas dal di 3. fin 9avla classa

Sco chi Tils es cuntschaint vegnan sportas per scholaras e scholars da scouline fin 2. classa structuradas dal di cun maisa da mezdi in cas chi'd es quia il bsögn. L'infuormaziun in chosa es fingià gnüda distribuida e quai directamaing da la Cumbinella.

Pel rest dals scholars (**3 fin 9avla classa**) vegna organisà inavant sco fin uossa, üna sporta sur mezdi, adüna il lündeschdi, mardi, gövgia e venderdi, insembel cullas scholaras e culs scholars da tschellas fracziuns chi restan quia sur mezdi. Ulteriurs detagls vegnan lura tramiss a quels chi s'han annunzchats, cur chi sun eir cuntschaints ils uraris da l'on chi vain. Nus Tils giavüschain dad indichar lur interess cun implir oura il talun d'annunzcha agiunt fin als 25 avrigl 2025. Ils cuosts pella maisa da mezdi importaran sco fin uossa 12.-CHF / mezdi. Scholars e scholars da Guarda e d'Ardez nu ston implir oura quist questunari e surgniran plü tard infuormaziuns.

Plünavant pon Els eir circumscriber schi vessan bsögn dad ulteriuras sportas da structuradas dal di (p. ex. surveglianza avant o davo scoula o il marcudi davomezdi). Per plaschair dar cuntschaint quai in detagl in scrit o per e-mail al manader da scoula. Ils cuosts per quistas sportas ston gnir surtuts dals genituors. Uschè sportas vegnan organisadas be schi'd es avantman ün bsögn (tenor ledscha da scoula chantunala artichel 27).

Davart ulteriurs detagls vegnan infuormats quels chi han demuossà lur interess.

Ed uossa resta amo dad ingrazchar a tuots pella collavuraziun e la fiduzcha e giavüschar a tuots ün bel temp da prümvaira.

Amiaivels salüds



Mario Rauch, manader da scoula

✂-----

Talun d'annunzcha

Nus fessan jent adöver da las structuradas dal di tenor las cundiziuns manzunadas survart e quai:

- ☐ lündeschdi a mezdi (maisa da mezdi)
- ☐ mardi a mezdi (maisa da mezdi)
- ☐ gövgia a mezdi (maisa da mezdi)
- ☐ venderdi a mezdi (maisa da mezdi)

otras remarchas o oters bsögns da structuradas dal di: _____

Nom e classa (2024/25) da l'uffant: _____

Suottascripziun genituors: _____

Bemerkung: Die allgemeine Korrespondenz der Gemeindeschule Scuol wird nur in der offiziellen Gemeindesprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scoula“ publiziert.

Nota: A correspondência que a escola manda a todos os pais é escrita com a língua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado em „Gazetta da scoula“.

Sustegn per traducziuns: <https://www.supertext.com/de-CH>